

**EITB MEDIA. S.A.U.-ren “*ERREDAKTORE*
LOKUTORE” LAN POLTSAKO PROBEN
OINARRIAK**

AURKIBIDEA

Sarrera

1. Argitalpenak: deialdiaren argitalpena, prozesuari eta erreklamazio prozedurari buruzko argitalpenak.
2. Izena emateko prozedura.
3. Lanpostuaren profila: lanpostuaren deskribapena eta eginkizun/zeregin orokorrak.
4. Betekizunak.
 - 4.1. Betekizun orokorrak
 - 4.2. Berariazko betekizunak
 - 4.2.1. Titulazioa.
 - 4.2.2. Hizkuntza-eskakizunak.
 - 4.2.3 Gidabaimena.
5. Egin beharreko probak.
6. Emaitzak.
7. Kontratazioa.
8. Deialdiaren datuak babestea eta kudeatzea.
9. *Eranskinak*
 1. Eranskina. Deialdian IZENA EMATEKO gida espezifikoa.

SARRERA

Oinarri hauen xedea EITB MEDIA, S.A.U.ren "Erredaktore Lokutore" kategoriako lan-poltsako probetarako deialdia egiteko arauak ezartzea.

Lan-poltsako proben deialdi honen ondoriozko aldi baterako kontratuak lan-kontratukoak izango dira, eta lan-zuzenbide arrunta eta aplikatzekoa den Eusko Irraitaen hitzarmen kolektiboa aplikatuko zaizkie, aplikatzekoak diren arau eta printzipio orokorrei kalterik egin gabe.

Aplikatzekoa den lan-poltsari buruzko araudian ezarritakoa alde batera utzi gabe, lan-poltsaren deialdi honen emaitzak baliozkoak izango dira "Erredaktore Lokutore" kategoriako aldi baterako kontratazio-beharrak betetzeko soilik, eta ez dute inolako ondoriorik izango plantillan finkotasuna eskuratzean.

Lan-poltsa hau barematzeko, horretarako egiten diren hautaprobaren emaitzak hartuko dira kontuan, aipatutako araudian ezarritako irizpideen arabera.

1. ARGITALPENAK: DEIALDIAREN ARGITALPENA, PROZESUARI ETA ERREKLAMAZIO PROZEDURARI BURUZKO ARGITALPENAK

Lan-poltsako proben deialdia EITBren web orrian argitaratuko da: <https://www.eitbtaldea.eus/eitbn-lan-egin.php>. Bitarteko horren bidez kudeatuko dira proben garapenarekin lotutako argitalpen eta komunikazio guztiak ere.

Eskabideak aurkezteko epea amaitutakoan, prozesuan onartutako eta baztertutako pertsonen behin-behineko zerrenda argitaratuko da.

Erreklamazioak aurkezteko eta eskabideetan egon daitezkeen akatsak zuzentzeko 2 egun naturaleko epea emango da, zerrenda argitaratu eta hurrengo egunetik hasita.

Erreklamazioak aurkezteko epea igaro eta erreklamazioak ebatzi ondoren, deialdian onartutako eta baztertutako pertsonen behin betiko zerrenda argitaratuko da.

2. IZENA EMATEKO PROZEDURA

Parte hartu nahi dutenek izena emateko eskabide bat aurkeztu beharko dute parte hartu nahi duten deialdi bakoitzeko. Onartzeko eta, hala badagokio, bertan parte hartzeko, beharrezkoa izango da:

- Hautagaitza behar bezala inskribatzea EUSKAL IRRATI TELEBISTA erakunde publikoaren webgune korporatiboan <https://www.eitbtaldea.eus/eitbn-lan-egin.php>, oinarrietan deskribatutako baldintzen arabera.
- Izena emateko inprimakiari eskatutako dokumentazioa eranstea, PDF formatuan, deialdiko baldintzak betez.

EITBk beretzat gordetzen du hautagaiak aurkeztutako dokumentazioaren egiazkotasuna egiaztatu eta egiaztatzekeo eskubidea, dagozkion legezko ondorio guztiekin.

Ez dira onartuko beste edozein bidetatik jasotako eskabideak. Era berean, atzera botako dira oinarri hauetan eskatzen diren baldintzak betetzen ez dituzten hautagaiak.

Izena emateko **eskabideak aurkezteko epea 2026ko ekainaren 12an hasten da, 13:00etan, eta 2026ko ekainaren 24an amaitzen, 13:00etan, biak barne.**

Izena emateko eskabidea aurkezteak esan nahi du hautagaiak onartu egiten dituela lan-poltsarako proba hauen oinarriak.

Izena emateko eskabidearen atal hauek bete beharko dira:

- a) Datu pertsonalak: izen abizenak, NANA eta jaioteguna.
- b) Harremanetarako datuak: telefono mugikorra eta helbide elektronikoa.
- c) Egiaztatutako titulazio akademikoa.
- d) Egiaztatutako hizkuntza-eskakizuna
- e) B gidabaimena, egiaztatuta.

1.ERANSKINEAN berariazko gida bat dago, oinarri hauen hautaketa-prozesuan izena emateko.

3. LANPOSTUAREN PROFILA: LANPOSTUAREN DESKRIBAPENA ETA EGINKIZUN/ZEREGIN OROKORRAK

Irrati-difusioko profesional bat da, eta bereak zaizkion ezagutzekin informazioa biltzen, prestatzen eta eraldatzen du mota guztietako irrati-espazioetan idatziz edo ahoz erabili dadin.

Gainera, aurkezlea izateko gai izango da. Espazio soilen errealizazioaz arduratu ahal izango da (sinatutako diskoak, compact discak, orduko albistegiak eta abar).

Dagozkion zereginetara lotutako ekoizpen- eta edizio-lanak egingo ditu.

Lan egiteko beharrezkoak diren ordenagailuko terminalak eta periferikoak zein maiztasun txikiko ekipamenduak erabiltzen eta maneiatzeko jakin behar du, eta dakiena aplikatu. Bestalde, zereginetarako behar dituen teknikarien koordinazioaz arduratu ahal izango da.

Ez da berea izango emankizunetan gerta litezkeen akats teknikoaren gaineko ardura.

4. BETEKIZUNAK

4.1. BETEKIZUN OROKORRAK

Hautaketa-prozesuetan parte hartzekeo baldintza orokorrak dira:

- a) *Europar Batasuneko estatu kide bateko naziotasuna edukitzea.*

Halaber, parte hartu ahal izango dute Europar Batasuneko estatu kideetako herritarren ezkontideek, nazionalitatea edozein dela ere, eta zuzenbidez banatuta ez badaude; horrez gain, beren ondorengoek parte hartu ahal izango dute, baita, zuzenbidez banatuta ez badaude, ezkontideenek ere, baldin eta, hogeita bat urtetik beherakoak badira, edo, adin horretatik gorakoak izanda ere, gurasoen kontura bizi badira.

Halaber, parte hartu ahalko dute Europar Batasunak hitzartu eta Espainiak berretsi dituen eta langileen joan-etorri librea aplikatzekoa duten nazioarteko tratatuen aplikazio-eremuan sartzen direnek ere.

b) Deialdiaren xede den lanpostuaren berezko zereginak eta funtzioak betetzeko behar den gaitasun funtzionala izatea, hargatik eragotzi gabe Desgaitasuna duten pertsonen eskubideei eta haien gizarteratzeari buruzko Lege Orokorraren testu bategina onartzen duen azaroaren 29ko 1/2013 Legegintzako Errege Dekretuan aurreikusitako arrazoizko egokitzapen- eta doikuntza-neurriak aplikatzea, indarrean dagoen bertsio kontsolidatuan.

Alde horretatik, proba egokitzeko eskaera inskribatzen den unean egin beharko da, oinarri hauen 2.5 apartatuan xedatutakoaren arabera.

c) Hamasei urte edo gehiago izatea, eta nahitaezko erretirorako adina ez izatea.

d) Eskatutako titulazioa, kasuan kasuko oinarri espezifikotan adieraziko dena, edukitzea edo haren agiriak jaso ahal izateko eskubideak ordainduta egotea. Atzerriko titulazioen kasuan, homologazioaren egiaztagiria eduki beharko da. Euskal Autonomia Erkidegoko hizkuntza ofizialetako batean ez beste batean eman den betekizunen edo merezimenduen egiaztagiri oro itzulita eta konpultsatuta aurkeztu beharko da.

e) Indarrean den araubidearen arabera, desgaitasuna edo bateraezintasuna eragiteko legezko arrazoirik ez izatea, hark ematen dion aukera-eskubidea ezertan eragotzi gabe.

f) Oinarri espezifikotan eskatzen den beste edozein betekizun.

Plazen hautagaiak betekizun horiek beteta izan beharko dituzte prozesuen deialdia argitaratzen den egunean, eta haiek betetzen jarraitu beharko dute, harik eta plaza esleitu eta kontratua sinatu arte.

4.2. BERARIAZKO BETEKIZUNAK

Deialdian onartua izateko, hautagaiak jarraian zehazten diren betekizun espezifiko guztiak egiaztatu beharko ditu izena emateko eskabide-prozesuan eta ziurtagiri ofizial bidez.

4.1. Titulazioa

Hautagaitzek titulazio hauetakoren bat izan beharko dute:

- Unibertsitateko Ikus-entzunezko Komunikazioko Gradua
- Unibertsitateko Kazetaritza Gradua
- Antzeko titulu baliokide homologatua

4.2. Hizkuntza-eskakizunak

4.2.1. Euskararen hizkuntza-eskakizuna

C2 titulua.

4.2.2. Gidabaimena

Se requerirá estar en posesión del permiso de conducir, clase B.

5. EGIN BEHARREKO PROBAK

Bi proba egingo dira:

- Albiste bat idaztea euskaraz eta gaztelaniaz, teletipo batetik abiatuta.
- Idatzitako albistearen lokuzioa.
- Inprobisazioa.

Probak egiteari buruzko informazioa garai eta behar bezala jakinaraziko da EITBren webgune korporatiboan: <https://www.eitbtaldea.eus/es/bolsa-trabajo.php?lang=es>

Proba egokitu behar duten hautagaiak (giza baliabide materialak, laguntza eta laguntzak eta parte hartzen duten probak egiteko behar dituen laguntza tekniko edo teknologiko lagunduak izangaiaren eskura jartzeko arrazoizko bitartekoak eta doikuntzak) izena emateko unean eskatu beharko dute, horretarako diseinatutako atalean.

6. EMAITZAK

Egin beharreko proba guztiak amaitu ondoren, hautagaiak kanporatze-probak gainditu baditu, guztizko puntuazioa zenbatuko da. Emaitzak 100 punturekin baloratuko dira gehienez, eta egindako proba bakoitzean lortutako puntuak batuko dira.

Proba osoa gaindituztat emango zaie proba osoan gutxienez puntuazio osoaren erdia lortu duten hautagaiei, baldin eta alderdi bakoitzean gutxienerako puntuazioa (erdia) lortu badute.

7. KONTRATAZIOA

Probak gainditzen dituzten hautagaiak automatikoki sartuko dira deialdiaren xede den kategoriako lan-poltsan, beheranzko hurrenkeran, lortutako behin betiko emaitzen arabera. Lan-poltsa hau aldi baterako kontratazio guztietan aplikatuko da, edozein modalitatetan.

Era berean, lan-poltsa horren zerrendak EITBren webgunean argitaratuko dira, eta EITB osatzen duten pertsonak baino ezin izango dute erabili.

8. DEIALDIAREN DATUAK BABESTEA ETA KUDEATZEA

Arduraduna: Nor da zure datuen tratamenduaren arduraduna?

EITB – EUSKAL IRRATI TELEBISTA – RADIO TELEVISIÓN VASCA ENTE PUBLIKOAK (Q0191001G), tratamenduaren arduradun gisa, langile-hautaketa kudeatzen du, bai beretzat, bai EITB Media,

S.A.Urentzat (A48139224). Hala, tratamenduaren erantzule gisa dihardu, eta, halaber, ente publikoa da beretzat egiten duen tratamenduaren erantzulea.

Helbidea: Basurtuko Kaputxinoen kalea 2, 48013 Bilbo, Bizkaia

Telefono-zk.: 94 656 3000

Eskubideak baliatu ahal izateko helbidea: EITBren Aholkularitza Juridikoa, Basurtuko Kaputxinoen kalea 2, 48013 Bilbo (Bizkaia)

Datuen Babeseko ordezkariaren harremanetarako datuak: dbo-dpd@eitb.eus

Helburua: Zertarako tratatzen ditugu zure datuak?

Plazak betetzeko behar diren datu pertsonalak kudeatzeko, eta behin betiko zein behin-behinean bete beharreko plazetarako hautaketa-prozesuen ondoriozko lan-poltsa osatzeko; hautaketa-prozesua gainditu ez duten pertsonen lan-poltsa osatzeko.

Legitimazioa: Zein da zure datuak tratatzeko legitimazioa?

Datuen tratamenduaren lege-oinarria da pertsonen baimena, zeina Datuak Babesteko Erregelamendu Orokorren 6.1.a) artikulua arautzen baitu.

Hartzaileak: Nori jakinaraziko zaizkio zure datuak?

Datuak ez dira lagako, salbu eta lagatzea beharrezkoa bada legez ezarritako betebeharrak betetzeko edo kanpo-hornitzaileen bidez zerbitzua emateko. Hautagaien eta hautatuen datuak EITBren webgunean argitaratuko dira zenbakizko kode baten bidez.

Nazioarteko transferentziak:

Datuak kudeatzeak ez du esan nahi datu horien nazioarteko transferentziak egingo direnik.

Kontserbazioa: Zenbat denboraz gordeko ditugu zure datu pertsonalak?

Datu pertsonalak lan-poltsan zauden bitartean gordeko dira; urtero eguneratuko dira, eta, poltsatik ateratzen bazara, urtebetez gordeko dira ondoren.

Eskubideak: Zer eskubide dituzu datuak eman ondoren?

Pertsona orok eskubidea du EITBk berari buruzko datu pertsonalak tratatzen dituen ala ez jakiteko.

Interesdunek eskubidea dute beren datu pertsonalak eskuratzeko, datu okerrak zuzendu daitezela eskatzeko, edo, hala badagokio, ezaba daitezela eskatzeko, besteak beste, datuak dagoeneko ez badira beharrezkoak jaso ziren xederako.

Inguruabar jakin batzuetan, interesdunek beren datuen tratamendua mugatzeko eskatu ahal izango dute. Kasu horretan, erreklamazioak egiteko edo horien aurrean defendatzeko bakarrik gordeko ditugu.

Inguruabar jakin batzuetan, interesdunek beren datuak tratatzearen kontra egin dezakete, beren egoera zehatzarekin lotutako arrazoiengatik. Enteak datuak tratatzeari utziko dio, salbu eta ezinbesteko legezko arrazoiengatik edo balizko erreklamazioen aurrean defendatzeko.

Interesdunek EITBri emandako datuen eramangarritasuna eskatu ahal izango dute, formatu egituratu batean —erabilera arruntekoa eta irakurketa mekanikokoa—, bere kasa deskargatu ahal izan ditzaten edo EITBtik beste entitate bati eskualdatzeko.

Interesdunak bere datu pertsonalen tratamenduari buruzko eskubideak balia ditzake arestian adierazitako posta-helbidean edo helbide elektronikoan. Gainera, Datuak Babesteko Agentziari erreklamazio bat aurkez diezaioke, bereziki, eskubideak baliatzean esperotako ordaina jaso ez badu, www.avpd.eus/hasiera/ webgunean adierazitako posta-helbidera edo helbide elektronikora idatziz.

Segurtasuna

Datu pertsonalak ezarritako segurtasun-neurri tekniko eta antolakuntzakoan pean tratatuko dira, hots, Segurtasun Eskema Nazionala arautzen duen maiatzaren 3ko 311/2022 Errege Dekretuan xedatutakoekin.

OHAR GARRANTZITSUAK

- Deialdi honi buruzko informazio guztia EITBren web orrian argitaratuko da: <https://www.eitbtaldea.eus/eitbn-lan-egin.php>.
- Hautagaiaren ardura da argitaratutako berrien jarraipena egitea (inskripzio-datak, ziurtagiriak ematea, azterketarako deialdia, etab.).
- Prozesuari buruzko kontsultak helbide elektroniko honetara bidali behar dira: eitbdeialdiak@eitb.eus Hori izango da komunikazio-bide bakarra.

1. ERANSKINA. DEIALDIAN IZENA EMATEKO GIDA ESPEZIFIKOA

Jarraian garatutako edukiak informatzeko izaera baino ez du, eta oinarrien alderdi garrantzitsuenak laburbiltzen ditu, eta ez du izaera loteslerik arlo juridikotik. Horregatik, oinarri horien irakurketa zehatza egitea gomendatzen da. Oinarri horietan berariaz arautzen eta jasotzen dira lan-poltsako probetarako deialdiaren alderdi guztiak.

IZENA EMATEKO GIDA

- Deialdi honetan izena emateko eskabideak aurkezteko epea deialdiaren oinarrietan ezarritakoa izango da. Oinarriok EUSKAL IRRATI TELEBISTA ente publikoaren web korporatiboan daude.
- Epe hori amaitu ondoren, ez da inskripziorik onartuko.
- IPues nanskripzioa adierazitako eguna eta ordua baino lehen bidaltzen ez duten pertsonak ez dute parte hartzeko aukerarik izango.

Eskaerak bidali direla eta zirriborroan oraindik bidali gabe geratu ez direla berrikustea gomendatzen da. Bidalitako eskaerak bakarrik izango dute prozesuan parte hartzeko aukera.

Xehetasun gehiagorako:

1. Ezinbestekoa da izena eman nahi duzun deialdiaren **oinarriak arretaz irakurtzea**, dokumentu horretan arautzen baita deialdiari buruzko guztia.

Izena emateko eskabideak aurkezteko epea deialdi bakoitzaren oinarrietan ezarritakoa izango da.

*** Gogoratu, behin BIDALI botoia sakatuta, ezingo duzula aldaketarik egin. Bidalketa horretarako ezarritako epearen barruan egin beharko da.**

2. Izena emateko prozesuaren helburua deialdietan parte hartzeko aukera ematea da. Horregatik, ezinbestekoa da inskripzioa itxiera gisa adierazitako eguna eta ordua baino lehen bidaltzea. Izen-ematea egunean eta orduan bidaltzen ez duten pertsonak ez dute parte hartzeko aukerarik izango.

3. **EITBren webgunea izango da izena emateko eta akreditazio guztiak eransteko bide bakarra.** Ez dira kontuan hartuko aurretik adierazitakoa ez den beste bide batetik jasotako inskripzioak eta egiaztapenak.

4. Parte hartu ahal izateko, **oinarrietan eskatutako betekizunei buruzko eremu guztiak bete beharko dituzu**, inskripzio-formularioan eskatzen direnak, kasu bakoitzean eskatzen zaizun dokumentazioa erantsita.

5. Hautagaiei eskatzen zaie interesatzen zaien prozesuaren **oinarriak** eta akreditazioak behar bezala txertatzeko gida **berriro irakurtzeko**, edozein dokumentu erantsi aurretik. Era berean, parte hartu nahi duten pertsonak **oinarri bakoitzean ezarritako dokumentazioa soilik eransteko eskatzen zaie, ez baita oinarrietan jasota ez dagoen dokumentaziorik baloratuko.**

6. Izena emateko inprimakian **BALDINTZAK** atala bete beharko da: indarrean dagoen NANA, indarrean dagoen gidabaimena, lan-bizitzaren ziurtagiria, sartzeko titulu ofiziala eta euskararen ziurtagiri ofiziala.

7. Inskripzioak egiteko epea amaitu ondoren, onartzeko behin-behineko zerrendak argitaratuko dira, zuzenketak egiteko epe batekin batera. Epe **hori betekizunen atalari buruzko dokumentuak zuzentzeko baino ez da izango.**

8. Inskripzio-aldia amaitutakoan, **zuzenketak egiteko epea argitaratuko da,** eta, ondoren, ONARTUEN ETA EZ ONARTUEN ZERRENDA.

9. Prozesuari buruzko informazio guztia webgunean jakinaraziko da. Hautagai bakoitzaren ardura da argitalpenak maiz kontsultatzea.